

王嘗謁大廟天新雨途泥濘甚前驅以持受佩刀器  
者過跌仆卧地不覺授之既還有司曰佩刀重器也  
持受之器者若手親之法當死 王曰夫實過跌仆  
且余不見其手親之是必豫設心者也親之  
王即位之初謁增上寺園寢見警蹕之士俯伏良久  
曰如此則何得警非常自今以往車駕既至即警首  
過則可舉首也其俯伏瞬息之間而可若不則不稱  
其職曰責其長

西城夫人如偶川命閩東稅使伊奈忠達治道時十  
一月無百花伊奈奔走百計募求花草而種之隄上

既而 王聞之弗悅曰婦人固不解事今仲冬十林  
搖落百草枯萎之時也使其視自然之風色而可也  
何以募求不時之花草而一時娛目乎公主若以為  
此地常如此則教之非也而可乎

王嘗游于廣尾里途過于赤羽忽見新渠鳧鷖集  
捕之梁焉遂將度中橋陪從者見之皆將遷 王問  
左右衆何為對曰 殿下如廣尾每從赤羽橋而今  
將度中橋故衆且迂也 王曰余忘之矣夫君人者  
虽小事而失常不祥也且既命道路矣違之失信也  
信國之寶也若失信則何以御衆乃還而從赤羽橋

王長九尺許多力而好勇故能化溪弱之風而後剛毅之俗嘗游于戶田遽命從臣為逐禽之儀裘倉卒應命一無所過王大賞歎賜時服時太子好猿樂奏改為太子司衛將水野忠英曰子屬士有善鐘鼓管箏者否忠英為人游俠之風直對曰我屬皆翫騎射學刀鎗亦無有好俗樂弄謔聲者奏改有愧色蓋化之所及也哉

王嘗謂給事中汝谷某曰聞太子善舞禮祿成童舞象有從末矣且舞動搖體血脉流通弗生病亦養生之術也雖然屢舞不知節則玩物喪志余之屢曰

獵非樂之世率衆用師之道舍是則無以習矣且厲士風熟武藝將於是乎在人士懦弱浸向剛毅皆職是之由不然則徒罷敵兆民從已之欲豈君人者之所為哉近日諸侯往往效之天下悉知武備今雖曰國家太平而尚未至刑措不用疑訟亦不為少矣勤有大辟之罰使今有江南之泣者皆由余不德一日萬機何以舞蹈以愒日怠偷哉余定位于今二十年不數年而將使太子德余師太子既即位則宜撰良臣任之憂民如朽索之馭六馬也何不慎乎溫谷以告太子

凡諸侯大夫以下以奢縱聞者 王必以時抑制猶  
不悔過自新者不獲已罪之路姬侯正舉與尾公宗  
春友善常與飲于青樓悅娼婦高雄者既而以數百  
金贖之事覽佐倉侯曰其行人問焉且詰之行人頓  
首謝曰彼婦也實寡君之亂母所生也初不及知既  
聞之不忍舍之於是予不辟世嫌指數百金而贖之  
佐倉侯以聞 王曰行人有辭乃赦罪一等不削封  
而易其位立世子政一而叔都郎移築地別郎政一  
立無幾造封於高田惡地也蓋所以不削地而貶之  
也

王有繼絕興廢舉逸民之志如藤清正福島正則平  
岩親吉等並 國初之名家也有故皆國除 王乃  
求三人子孫而興之邑並為朝士其餘如此者多矣  
徵庸士之有一技者興之俸祿為士儒則青木文藏  
天學則猪飼西川善則細井知慎計吏則野田某等  
是也

佐倉侯兼邑為首相其為人勇有氣力嘗習苟欲富  
國家非武健嚴酷惡能成功乎於是用法益刻元文  
二年六月度支少監神保春央為司農性巧慧而能  
為 王家興利是時府庫既充實猶辟土地埋河流

以盡地力一以資實為事 王及佐倉炭以為能故  
在職未數年賞其功益秩五百石王孫嘗游于郊外  
途見花草而悅之從士命而獻之其明日佐倉炭命  
江都尹召花草主以常價與之其獻花之日隣人來  
其家賀曰 王孫適視子花而悅之必有厚貺主人  
亦以為然置酒飲來者既而賜價如常大失望為隣  
人笑佐倉炭之得謗以此類

延享二年春祭 神祖於紅葉山台伶人於京師万  
舞于廟禮飲他日宴諸侯於朝又使伶人万舞于連  
宮中幃幔隔障為伶人裝飾之所諸侯以下交來視

視障中伶人患為告御史御史以告參政乃命前驅  
之士黑澤清守之禁視者既而水戶支炭及二三侯  
至將視之黑澤禦之強將入曰汝不識寡人乎對曰  
識之君宗室貴介之公孫也借使三公之尊親至弗  
敢若有強入者臣以死禦之炭怒告別相黑澤不敬  
乃命監察御史語之黑澤不屈 王聞之曰宗室者  
人之所畏也夫不畏彊禦可謂警衛之士也賞之賜  
銀五十兩

是年九月甲午 王傳位於太子太子立尊 王曰  
太王橫須賀炭忠尚為西城相 大王即位之初從

故事封尾公弟於梁川既而將不封宗室三公之庶  
子故先不封王子也既傳位之後台時列相佐倉  
正亮時兼邑既羅館林族武元二族並惇王惇王謂之  
曰今尾紀瀆三公有庶子而稍長前朝皆封其子  
弟然不世可相仍如此也今欲與但與爵而封之夫  
苦心私待封而不得則失望矣不如預知之武元宗  
族之支孽也私告朝廷之意於三公武元受命傳之  
三國之相

寬延四年辛未五月 太王有疾館林族侍疾六月  
疾大漸台館林族散還左右所言皆不可得聞蓋託

天下之事也武元之祖清武者甲府清楊王之庶子  
而養於朝士越智喜者即文王之母弟也以故少為  
相為太常時 王屢召便殿勉勵之 惇王即位之  
初擢為相故 大王囑附之後事也乙酉太王祖王  
月乙卯葬寬永寺

野史曰 國初之政質、之敝民蠢而野故中葉承  
之以文、之敝奢而巧 漢文之間可謂文敝矣  
漢王起紀庶子身嘗險阻艱難自知民之情偽慨然  
有志於善治故承之以險與士風抑驕奢振廢滯匡  
之困救災患禁淫慝宥罪戾節器用內外無驕寵從

諫如流以開言路教化大行終致國家富強受民投  
書天下無冤民用人適其才士精其能吏稱其職民  
安其業功先祖宗業垂後裔可謂中興侔漢孝宣矣

續三王外記卷之一終

續三王外記卷之二

悼王記

東武野史若無子著

悼王者德王之長子也幼名長福長易名家童母大  
久保氏正德元年辛卯十一月己亥生於紀藩德  
王既承大統享保九年甲辰十一月乙卯立為太子  
年十四太子少好內多內寗德王恐殞其天年也  
嘗謂之曰治天下者過爾優逸折其勇敢之志而有  
不堪事之憂宜信宿於小菅離宮田獵勵志勤力也  
太子奉教驟游畋焉又欲便知民情如吹上觀聽大  
理之漸獄

延享二年乙丑九月戊午 王即位年三十有五初  
德王之將傳位於王也相佐倉茂兼邑以 王性  
懦弱而多疾作請諸廢之思晚欲立二字於庶子宗武 德王不聽遂傳王  
以故怨佐倉茂即位踰月罷佐倉茂削秩万石收居  
却繼愛憤成病而卒其子兼佑立移封山形  
十一月 天皇使久我葉室兩丞相賜 王命  
三年九月賜田安一橋兩王子廩米各十万苞四年  
六月詔以一橋王子宗尹之長子童昌為福井族宗  
矩之孫子蓋太王之志也  
田安王子宗武怨不立嘗數 王之短而諫奏使其

侍臣草之 太王曰凡諱國患臣子之分也宗武表  
疏不親草而命侍臣夫既知之則必語其所信矣而  
相告語則世人悉知之豈孔子答陳司敗之意哉四  
年丁卯八月命禁其朝見居深室使都御史石河政  
朝監其第錮侍臣於其第居頃之王子悔過自怨自  
艾月光大夫入時言之及寬延二年五月命許其  
朝而猶不許入見久之遂赦其罪一橋王子宗尹亦  
怨不立嘗謂人曰 今王及田安公並生紀藩寮人  
独生於王城宜立而今不得封侯不亦枉乎即位之  
年召大坂苗守山形族正亮為刑相移封於佐倉三

年丙寅大常柵倉炭武元為太子大傳移封於館林  
明年丁卯為利相

四年丁卯八月癸酉極倉修理殺熊木炭宗孝於朝  
於是罷朝儀熊木炭既絕以聞 太王為不聞者命  
左右曰速差之飯傷而殆他者得飯即甦左右趨告  
利相、乃命大官吏進熊木炭食在朝之人不知  
其生死往、相聚喧擾忽視羞飯以為炭未死於是  
命官医二人送炭退尋使謁者如某邨問疾又使利  
相佐倉炭正亮訊且撫焉繇是世以為炭不死於朝  
或云諸族為人所害於朝則法當削其地而貶其嗣出修理於岡崎炭邨踰二

日告熊木炭薨於是賜修理自盡初極倉修理暴虐  
其老前島某與參政極倉勝清密謀欲廢修理而立  
勝清之庶子事泄修理怒將誅前島、出亡勝清  
乃命修理臣禁其朝請修理益怒將殺勝清於朝因  
偽泣告其臣受勝清命者曰我將從參政之命致仕  
則終身不得見 王君臣之義自有父子之親故一  
見君而後致仕則所願三矣衆聞之哀其志遂許之  
癸酉朝潛求勝清而不得熊木炭如廁修理以為勝  
清擊而殺熊木炭容貌似勝清且其朝服之章亦類  
勝清之章時修理以為今日實子載一時也於是



得則無得之期心中急迫如狂以故誤及此其臣坐  
負勝清之命使其主朝棄市者一人外恰使黑水閑  
齊坐以熊本族門客送之於廁臨難走避放逐王  
之為太子也娶伏見親王女比公主一而後幸  
其勝梅溪氏一名幸皇人黃門通條之女也元  
文二年夏生主孫幼名竹子代更名家治是為  
王遂以梅溪氏為貴妃王多內麗貴妃忌其生惑  
蓋之疾也亟諫不聽却疎而宮閉之虽太孫不得  
相見王既即位太王憐之使列相既梁炭忠恭  
參政加納久通和之乃赦之太孫為母子如初延享

五年戊申二月庚辰貴妃卒是改元寬延年

竹翁主之膳夫水野某取貨於賈人糶其子偽已子  
而為游手小僕某嗣子又取貨於處士平山某以其  
子偽已孫事覽小僕出奔不知所在水野父子坐欺  
罔縣官並賜死漆亟稻谷某取貨以商人子為所  
生子既仕為士數年至此敗露亦所戮先是如此者  
儘有之自後乃止  
寬延二年己巳五月命諸稅使行均稅法賦稅固有  
制然年有豐凶不能均一於是按數歲之中以為常  
不論豐歉而均定賦稅故謂之均稅四年辛未改元

寶曆

二年壬申九月丙子日光大夫人勝田氏薨夫人文  
廟之妃 章王之母也性謙遜有器局 章王即位  
之初朝議以為母以子尊其宗族宜為列侯昔 憲  
王以本莊氏為列侯故事不亦可乎夫人固辭乃  
止 章王徂乃 諫王登極夫人又辭諸侯贈賄而  
弗受其宗左半藏門內嘗在其宮觀視乞人裸體過  
時方嚴冬夫人見而哀之為与衣自是乞人課程者  
日末聚觀前夫人乃多制褐衣一与之既賜者又  
裸体而至夫人記之曰小人狎恩不知饜不復与衣

夫人少美姿態 文王登假間部詮房蓋之及 章  
王登駕 諫王入繼大統 諫王亦蒸焉是用 諫  
王及用節儉夫人之宮其費用不改曰一曰 諫王  
用儉之初命減藤大后宮之費過半而日光大夫人  
宮仍曰貫 王嘗舍大后之將立館林侯而喜大夫  
人之立已故得二宮如彼所以報也  
王信任佐倉侯正亮一委政事正亮為人朗俊有才  
其為大理治獄能為鉤距而察微大罔忠相每推之  
然少仁愛非宰相之器也多與利以助費稍樹私  
利受諸侯問遺而聽其請賄賂亦行寬延二年莊內